

Fortsetzung von Seite 5

Ausgemacht war ne gute Stund, do draus sei dann ieber 2 un ne halbe Stund wurn! Aafach herrlich!

Do konnt mor ins Schwärme komme un an vorgangne alte Zeiten denken... Mir is aans ims annere Mol ganz annersch wurn, is hat net viel gefahlt un mir wärn e paar Tränle kumme, su dorgreifnd ginge die Melodien ze Harzn.



Bei all den schenn Liedern hob iech mieh an die schiene Zeit bei de Eimstocker Tanzrythmiker dorinnert un unnern Hahn, Kurt vor mir gesah! Dar konnt die ganzn Sachn genau su gut un frei vu dor Laaber wag spieln! Naabn seiner hauptberufing Geich war ne sei Tenorsax un is Klarinettl genau su sei



ein un allis. Viel ze schnell warn do die dorlabnisreichn Stundn vorbei, allezam sei bestimmt glicklich un zefriedn (endlich!) gegn Viertelfe ehamgange. Q-Stall - mir komme wieder – des is kaane Drohing, sondorn dor Dank for den schenn Obnd!

Bis hoffntlich zen nächstn Mol -
Eier Schmidt



*Unsere Veranstaltung am 19.11.2020 im
Spartenheim muss leider ausfallen.*




Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
188

Mitteilungsblatt des
Erzgebirgischen Heimatvereines
Eibenstock e.V.

November
2020



Rock 'n Roll im Haamitverein !?!

Unner Ratskeller – vorgestern, gestern un heit



Hotel Ratskeller,
Stadt Leipzig,
Müllers Bierstub,
Garküch,
Deitsches Haus,
Brauerei,
Graupnbauch,
Feldschlössl,
Waldschänk

Café Zeun, Ungers Gastätt, Biehlhaus, usw., mor kriecht bein Aufzähl'n gar nimmer alle zam. Un alle hattn dorwagn jahrelang su racht un schlacht ihr Auskomme! Itze sei de Kneipn an aaner Hand ozezähl'n un is erschte Haus an Platz is nu ganz un gar zu!

Links is de ganze Thoß-Betreibergemeinschaft mit in alten Thoßvater ze sah un drierer de Küch samt Kellner (ca 1945-1949). Dann kam de HO-Wismut un

dor Thoß is neine Stadt Leipzig imgezogn.

Bei dor HO gabs immer wieder emol in Wechsl bei de Chefs. De letztn HO - DDR - Gahr (1983-1990) hatt unnere Brigitte Tittel un ihr Mutter, de Frau Loos, im Ratskeller is Sogn. Mit dor Wende kame aa gelei emol

de Treihänder un ham des Ganze aafach voreinahmt un wollt'n for viel Gald vorkaafn. Des ging nu net gelei auf un su war erscht emol Ruh in Hotel eigezogn, bis 1994 e paar neie Eigntierner des Haus wieder auß'n un aa inne hargericht ham.



Wir gratulieren unseren Heimatfreunden

Heinz Richter	am 04.11.	zum 84. Geburtstag
Ursula Berger	am 10.11.	zum 76. Geburtstag
Petra Tuchscheerer	am 13.11.	zum 59. Geburtstag
Uta Schmidt	am 22.11.	zum 64. Geburtstag
Gudrun Neumann	am 23.11.	zum 68. Geburtstag
Annerose Reißaus	am 30.11.	zum 79. Geburtstag



*Wie lange ich lebe, liegt nicht in meiner Macht,
dass ich aber, solange ich lebe, wirklich lebe,
das hängt von mir ab.*

- Lucius Annaceeu Seneca -

Mir ham's geaahnt, dr Logdaun hot uns wieder dorwischt. Dos haast, mor darf'n uns zur Zeit nimmer traffn. Also muss unner Bastlobnd im November leider ausfalln.




*Hoff'n mor dass unnere Weihnachtsfeier stattfindn ka,
und zwar im Spartenheim an dor Vodelstrooß.*

Termin un allis weitere im Dezember – Blattl !

Zen 100. Geburtstag von unnern Ehrenmitglied Kurt Unger 23.10.1920 – 19.02.2003

Tech muß
egal spieln,
aber kaaner
singt emol
mit!



Des warn Zeitr! Do muß
iech immer auf die B,F,
Es un As-Durn un dare
damischn Mollgriffle auf-
passn. Un in Kurt hat
grod des Spass ge-
macht, do konnt ar mieh
dormit ärchern. Do untn
in dor ehem. Union hat



uns dor Männerchor eigelodn, do durftn mir
paar Liedle for ihre schiene CD mit begleitn
un eispieln! Su en wie ne Kurt gib'ts net
gelei wieder – immer war ar zur Stell un hat
in ganzn Obnd unnerer Haamtlieder
gespielt! Danke für deine Vereinsarbeit!



Ze dare „Wiedereröffnung“ 1994 hat unner Mundartdichter, dor Werner Kempf,
e klaans Gedicht vorfasst, komischer Weis in Huchdeitsch, des war mor vu ihm
gar net gewohnt. Des Gedicht hat mir unnerer Christine Winter mitgebracht un des
will iech eich net vorenthaltn.

Zur Wiedereröffnung des Ratskellers in Eibenstock 1994

- ein Gedicht von Werner Kempf (verst. 1999) -

Wertmaßstäbe einer Stadt vergrößern sich schneller,
gesellt sich zu Kirche und Rathaus – ein Ratskeller -
und ziert gar wie in Eibenstock ein Glockenturm das Dach-
macht im Umkreis der Bergstadt ihr niemand nach.

Wir wünschen, dass in diesem Gemäuer

- nicht nur heute, nicht nur heuer -
Gäste einziehen in großer Zahl,
um Gastfreundschaft zu erleben allzu mal.
Wir erwarten Senioren und Mittelständler,
Handwerksleute und Zwischenhändler,
Alte und Junge - Leute auf Hochzeitsreise -
die im Brautzimmer erleben die Liebe,
- laut und leise.

Stets Harmonie bei einem guten Trunk
und niemals Streit und niemals Stunk!

Im Sommer bei Eiswein

- im Winter bei Grog -

So empfiehlt sich der Ratskeller Eibenstock.

Kommt von der Oberstadt runter,

kommt von der Unterstadt rauf,

immer putzmunter, so seid ihr willkommen,

allen ein herzliches „Glück Auf, Glück Auf“!!!

Aber su richtig un beständig aufwärts gings dann erscht mit dor Familie
Schindler, un des viele gute Gahr bis se 2019 aufgabh ham. Nu blebt nár ze hoffn,
des des ehrwirdiche Hotel nabn unnerer Kirch in nächster Zukunft wieder zen
erschtn Haus an Platz for unner Eimstock dorbliehe ka!



*E kurzer Geburts-
tichbesuch bei unnerer
Liane zen 91!
Gelei dormabn sitzt de
100-gähriche, ihre
annern Gäst warn aa
net viel ginger !!!*

Im Q-Stall mit Ieberraschungsgast



Des war e schiener Haamitobnd!
Unner Besuch in Q-Stall hat siech total geluhnt in zweerla Hiesicht: Zum enn hat de Ulrike Seidel mit ihre Gehilfn e Buffet hiegezaubert, des war aafach sagnhaft un geschmeckt hatts, des war vun Feinstn! Aber erscht emol muss iech berichtn, wies dodorzu komme is: Jeds Gahr aamol – meestns in April – lodn mir ja ei ze en beson- nern Hutznobnd mit nern leber- raschungsgast.

Noochdam mir trotz Corona-Zeich unner Traffn ofn Auerschbarg mit Bravur gemeistert ham, unnere Kramserfahrt samt anschließndn Assn im Schlossgarten e Orfolk war, wollten mir den Über- raschungsgast ubedingt dies Gahr



noch ieber de Bühne bringe. Aber des war gar net esu aafach. Wu is suwos in Eimstock mechlich?

E großer Raum muss is sei, weil mor ja gewisse Oständ eihaltn muss un de Darbietunge sölln ja aa noch genuch Platz ham. Su kam unnere Wahl ganz schnell of unnern Q-Stall, weil do hintn in Gewerbbegebiet schu söliche Sach wie Leifmusik (also Musik, die vu richtschn Musikern gemacht wurn is) un sugar Kinofilme ieber de Leine- wand ging. Zenächst hat e Aaruf bei dor Chefin, dor Seidel-Ulrike geniecht, im e Terminl ze kriegn. Dann gings schu Schloch of Schloch: immer per Händi wurn de nächstn Sachn beredt, wie Eirichtung vun Saal, Kostn, die ja entstenne un de Vorsorching mit



eweng Asserei un Trinkerei. Dann endlich war dar dorsehnte Obnd do. Schu bein neitratn dacht iech, iech bi neiner Hochzich gerotn – esu sahn de eigedecktn Tisch samt den vielfaltign Buffet aus. Un die Asserei hat dann aa noch su gut geschmeckt! Des allis hat de Ulrike salberscht zubereit, se is mit Leib un Seel bein Kochn dorbei un des hat se nabn ihrer Arbit als Chefin vu dor Brettschneider Verpackungs GMBH sehr gern for uns gemacht. Gemeinsam mit ihrn Maa un ner weitern Halferin hat se den Obnd mit Orfolk durchgezugn! Anor- kenning, Respekt un Bewunnering kam do vu alln unnern Leitn! Hoffntlich blebt uns dor Q-Stall samt seine Betreiber un Gehilfn racht lang for unner Eimstock dorhalten. Dodorzu wüschn mir den Tiem viel Erfolg!



Un itze komm iech zen zweetn: natierlich war unner Über- raschungsgast e Volltraffer:

Dank unnere langgährichn gemeinsame Arbit in Kulturtempl Aue hob iech unnern ehemalchn Chef vun Tanzorchster Aue, in Sigmar Jargosch aagerufn un den for unnern Hutznobnd begeistorn kenne. Nooch seiner Musiker- laufbah is ar itze mittlerweile mit 81!!! Gahrn als Allaaunnehalter immer noch un immer wieder mit dor gewinscht Musik un Gesang aus de 60er un 70er Gahrn un aa mit arzgebirgschn Liedgut unner- wags, ganz egal öb ze grössern Fastern, Hochzeitn oder abn zu suner Sach wie unner Hutznobnd samt sein Saxophon un sein Klarienttl! Aafach e Genuss – grod for unnere Leit forn Haamitvoren! Alle altn Melodien kame zen Eisatz, allis war sprachlus über die schiene Musik.

Fortsetzung auf Seite 8